

Cui caeterum Universitatum privilegia concedenda.

existentis Rectoris dicti Collegii, qui totius Universitatis Rector existat similiter perpetuo supponimus, & submittimus, ac eisdem Universitati, illiusque Rectori, Magistris, & Scholasticis, & Officialibus, ac Ministris, ut omnibus, & quibuscumque privilegiis, indultis, gratiis, prerogativis, honoribus, & praerogativis, aliis Universitatibus quacumque auctoritate erectis, illarumque pro tempore existentibus Rectoribus, Magistris, Doctoribus, Lectoribus, Praeceptoribus, Scholasticis, Procuratoribus, Bidellis, Nunciis, Officialibus, Ministris, & aliis personis in genere, vel in specie tam praedicta, quam Imperiali, Regia, Ducali, aut alia auctoritatibus, & alias quomodolibet concessis non solum ad eorum instar, sed pariformiter, & aequae principaliter in omnibus, & per omnia uti, potiri, & gaudere, etiamsi dictae facultates juris prudentiae, & Medicinae ibi non accesserint.

Facultatem Rectori tribuit Gradus Laureaeque concedendi.

§.19. Ac insuper Rectori ejusdem Universitatis, & Collegii pro tempore existentis, ut ipsos, quos in eadem erecta Universitate, vel etiam alibi, in quavis alia per debitum tempus studuisse, ac scientia, ac moribus idoneos esse reperirentur in praedictis facultatibus artium, & Theologiae ad Baccalaureatus etiam formatae licentiae lauream, Doctoratusque, & Magisterii gradus, servata forma Viennen. Concilii, & alias juxta Universitatum aliorum studiorum generalium consuetudines, & erectae Universitatis statuta promovere, & ipsorum graduum solita insignia eis exhibere, atque ad dictos gradus sic promoti in hac Universitate Comutavien. postea publice, & privatim, etiam in omnibus aliis Universitatibus studiorum generalium facultates praedictas interpretari, & alios docere, nec non de eis disputare, ac gradui, seu gradibus hujusmodi convenientes actus exercere: quodque omnes, & singuli, qui in ipsa Universitate Comutavien. etiamsi ibi non habeantur facultates Jurisprudentiae, & Medicinae, vel depositi, vel descripti in Matrícula, vel in quovis gradu promoti extiterint, in quavis alia Universitate, seu Academia pro vere, in scriptis, & in gradu promoti recipiantur. Demum, ut omnes, & singuli, qui in Universitate, seu Academia Comutavien. hujusmodi triennium, ut vocant, absolvent, testimoniumque ab ipsa Universitate de idoneitate ad alios docen. habuerint possint, & debeant, & in quavis Cathedrali, aut alia Ecclesia sine ulla tergiversatione assumi, & censerit tales, qui in vera Academia, & studio generali, etiamsi Jurisprudentiae, & Medicinae facultates ibi non sint, literis operam dederint per triennium, ut Cathedrales Ecclesiae requirunt.

Proposito Generali Soc. Jesu facultatem tribuit statuta edendi pro Collegio, & Universitate.

§.20. Caeterum moderno, & pro tempore existentis dictae Societatis Praepositi Generali, ut per se, vel dicti Collegii, & erectae Universitatis Rectorem, aut alium, seu alios pro salubri, & felici directione Universitatis Comutavien., ac Rectoris, Magistrorum, Procuratorum, Bidellorum, Nuntiorum, & aliorum Ministrorum, ac

Officialium muneribus, & functionibus modoque, & forma docendi, & alias sua officia exercendi, nec non pro scholasticorum manutentione quaecumque statuta, & ordinationes licita, & honesta, ac sacris Canonibus, & Concilii Tridentini decretis minime contraria, edere, & promulgare, eaque pro temporum, rerum, & personarum qualitate mutare, corrigere, & reformare, seu illa casare, & abrogare, aliaque de novo edere, nec non super illorum observatione poenas ejus arbitrio imponere, ac etiam in praedicta Universitate Rectores, Magistros, Lectores, Scholasticos, Procuratores, Bidellos, & praecipue unum seu plures Notarios publicos, seu Tabelliones authenticos, fideles, & legales, postquam tamen ad hoc idonei reperti fuerint, recepto ab eis prius de Notariatus, & Tabellionatus officii fideliter exercendis juramento, ac professione fidei hujusmodi juxta Constitutionem praedictam per eos emissam, alioque Ministros, & Officiales necessarios pro usu Universitatis praedictae creare, ac de officio hujusmodi Notariatus per pennam, & calamare investire, aut alios creatos, ad hujusmodi officia assumere, & quoties opus fuerit, amovere, seu electiones factas confirmare, ita quod scripturis authenticis per dictos tales Notarios sic creandos, vel assumptos, aut confirmandos plenaria, & indubia fides adhiberi debeat in Judicio, & extra libere, & licite valeant, etiam perpetuo concedimus, & indulgemus, ac desuper eis licentiam, & facultatem impartimur.

Et Notarios creandi.

§.21. Demum omnibus, & singulis tam Metropolitanarum, Primatialium, Cathedralium, & Collegiarum, aliarumque quarumcumque Ecclesiarum per Europam, & Universum Orbem sitarum Capitulis, nec non Superioribus, & particularibus personis quacumque auctoritate, & dignitate fungentibus, & sancturis, ac quovis privilegio, & indulto munitis in virtute sanctae obedientiae, praecipimus, & mandamus, ne studiosos Academiae, seu Universitatis Comutavien. hujusmodi, aut in ea ad gradus promotos ab asequutione dignitatum, seu Canoniatuum, & Praebendarum earundem Ecclesiarum sibi tamen canonice conferendarum, aut ad illos nominandarum, si idonei ad id judicati fuerint, & tempus debitum suorum studiorum in Academia, seu Universitate hujusmodi absolvent, vel gradum Doctoratus, seu Magisterii, aut licentiae, vel alium susceperint, dummodo aliud canonicum eis non obstat impedimentum, rejicere, & removere quoquo modo audeant, seu praesumant.

Ecclesiarum Praesides monet, ut eos, qui in hac Universitate Gradus susceperint, ad possessionem Canoniatuum admittant.

§.22. Postremo omnia bona, res, & Jura a praedicto Georgio, ut praefertur, Collegio, & Universitati Comutavien. hujusmodi concessa, donata, & attributa, & de caetero per quoscumque fideles quovis modo donanda, concedenda, & attribuenda eidem Collegio, eadem auctoritate similiter perpetuo applicamus, & appropriamus. Ita quod liceat Rectori, & Collegialibus pra-

Bona omnia Collegio confirmat.

Clausula.

praedictis per se, vel alium, seu alios eorum corporalem, realem, & actualem possessionem libere apprehendere, & perpetuo retinere: necnon in Collegii, & Universitatis hujusmodi, ac personarum ipsius Collegii usus, & utilitatem convertere, cujusvis licentia desuper minime requisita.

§.23. Decernentes easdem praesentes, etiam ex eo, quod interesse habentes, vel putantes ad hoc vocati, & cause, vel causa propter quam, seu quas praemissa emanarunt, etiam coram loci Ordinario, etiam tanquam a Sede Apostolica delegato, aut alias quomodolibet verificata non fuerint, & ex quavis alia causa, de subreptionis, vel obreptionis, aut nullitatis vitio, seu intentionis nostrae, aut quopiam alio defectu notari, impugnari, vel invalidari non posse, sed illas semper, & perpetuo validas, & efficaces existere, & fore, suosque plenarios, & integros effectus sortiri, & obtinere, ac sub quibusvis similibus, vel dissimulati gratiarum revocationibus, suspensionibus, limitationibus, vel contrariis dispositionibus, nullo unquam tempore comprehendere, siquae in praemissis omnibus, & singulis, per quoscumque Judices, & Commissarios, etiam Palatii Apostolici Causarum Auditores, ac S. R. E. Cardinales, etiam de latere Legatos, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiti debere: irritum quoque, & inane, quidquid secus super his a quoquam quavis auctoritate scienter, vel ignoranter contigerit attentari.

Executores praesentium literarum deputat.

§.24. Quocirca Venerabilibus Fratribus nostris Pragen., & Olomocen. Episcopis, ac dilecto filio Causarum Curiae Camerae Apostolicae generali Auditori per Apostolica scripta mandamus, quatenus ipsi, vel duo, aut unus eorum per se, vel alium, seu alios praesentes literas, & in eis contenta quaecumque ubi, quando, & quoties opus fuerit, ac pro parte Claudii, & pro tempore existentis Praepositi Generalis dictae Societatis, ac Collegii, Rectoris, & Collegialium hujusmodi, nec non Georgii praedictorum, seu alicujus eorum fuerint requisiti, solemniter publicantes, eisque in praemissis efficacis defensionis praesidio assistentes, faciant auctoritate nostra, praesentes, & in eis contenta hujusmodi firmiter observari, ac singulos, quos ipsa praesentes literae concernunt, & concernent in futurum, illis pacifice frui, & gaudere. Non permittentes eos desuper per quoscumque contra praesentium tenorem quomodolibet molestari, impediri, vel perturbari. Contradictores quoslibet, & Rebelles per censuras Ecclesiasticas, aliaque opportuna Juris, & facti remedia appellatione postposita compescendo, ac legitimis super his habendis servatis pro cessibus sententias, censuras, & poenas ipsas, etiam iteratis vicibus aggravando, invocato etiam, ad hoc si opus fuerit, auxilio brachii secularis.

Contraria tollit.

§.25. Non obstantibus praemissis, ac priori voluntate nostra praedicta, & per Bull. Rom. Tom.V. Par.II.

me: Bonifacii PP. VIII. similiter Praedecessoris nostri, qua cavetur, ne quis extra suam Civitatem, vel Dioecesim, nisi in certis tunc expressis casibus, & in illis ultra unam dietam ad Judicium evocetur, seu ne Judices a Sede praedicta deputati extra Civitatem, & Dioecesim, in quibus deputati fuerint, contra quoscumque procedere, aut aliis, vel aliis vices suas committere audeant, seu praesumant, & in Concilio generali edita de duabus dietis, dummodo non ultra tres dietas aliquis auctoritate praesentium ad Judicium non trahatur, ac Lateranen. Concilii novissime celebrati uniones perpetuas, nisi in casibus a Jure permissis fieri prohibentis, & quibusvis aliis Constitutionibus, & Ordinationibus Apostolicis, nec non Ecclesiarum supradictarum, ac Capitulorum, Provinciarum, Urbium, & locorum hujusmodi, etiam Juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & Literis Apostolicis, illis, earundemque Ecclesiarum Praesulibus, Capitulis, & aliis Superioribus, & particularibus personis sub quibuscumque tenoribus, & formis, ac alias in contrarium quomodolibet concessis, confirmatis, & innovatis, ac concedendis, confirmandis, & innovandis. Quibus omnibus, etiamsi pro illorum sufficienti derogatione de eis, eorumque totis tenoribus specialis, specifica, expressa, & individua, non autem per clausulas generales idem importantes mentio, vel quavis alia expressio habenda, seu exquisita forma ad hoc servanda foret, illis alias in suo robore permanentibus, latissime hac vice specialiter, & expresse derogamus, contrariis quibuscumque.

Aut si aliquibus communiter, vel divisim ab eadem sit Sede Indultum, quod interdicti, suspensi, vel excommunicati non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

§.26. Provisio, quod propter praemissa dictae Ecclesiae, quarum Jura patronatus ad Rectorem, & Collegiales praedictos translata, & quarum usus, & cura illis concessa, & commissa existit, debitis non fraudentur obsequiis, & animarum cura in eis, quibus illa imminet, nullatenus negligatur, sed earum congrue supportentur onera consueti: quodque propter translationem hujusmodi plus juris in eisdem Rectorem, & Collegiales translatum non intelligatur, quam ipse Georgius haberet: quo vero ad curam Parochialium, & aliarum Ecclesiarum sub juribus patronatus hujusmodi comprehensarum, Rectori, & Patribus ejusdem Collegii, ut praefertur commissam, salva remaneat Jurisdicctio loci Ordinarii, itaut propter ea non intelligatur illi in aliquo praedicatum: Per praesentes autem non intendimus Jus patronatus hujusmodi in aliquo approbare.

Per praedicta debiti Ecclesiarum Comutavien. servitia negligantur.

§.27. Nulli ergo omnino hominum liceat

Clausula penales.

1594.

ceat hanc paginam nostrarum absolutionis, confirmationis, approbationis, adjectionis, suppletionis, applicationum, appropriationum, concessionum, assignationis, translationis, erectionis, institutionis, suppositionis, submissionis, indulti, impartitionis, precepti mandatorum, decreti, derogationis, & intentionis infringere, vel ei ausu temerario contraire. Si quis autem hoc attentare presumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Dat. die 29. Augusti 1594. An.III.

Datum Romae apud S. Marcum Anno Incarnationis Dominice millesimo quingentesimo nonagesimo quarto. Kal. Augusti Pontificatus nostri Anno III.

LXXXIX.

Ex Regest. in Secr. et. Brv.

Confirmatio concordie inter Regem Catholicum ejusque Successores, & Archiepiscopum Toletan. pro tempore existentem super Administratione Collegii Virginum nuncupat. Domine Nostrae de Remedio in Civitate Toletana crecti.

CLEMENS PAPA VIII.

Ad futuram rei memoriam.

Exordium.

PRO nostro munere in his partes nostras libenter interponimus, que ad concordiam, & pacem inter Catholicos Reges, & Ecclesiasticas personas pertinere dignoscuntur.

Hispaniarum Rex & Card. Toletanus C6 cordiam inter se mitam confirmari possunt.

§.1. Nuper siquidem charissimus in Christo filius noster Philippus Hispaniarum Rex Catholicus, ac dilectus filius noster Gaspar Tituli Sancte Balbine Presbyter Cardinalis Toletan. nuncupatus Ecclesie Toletane perpetuus Administrator, ad infrascriptam super modo, & forma gubernii Collegii Virginum Beatæ Mariæ de los Remedios Civitatis Toletan., concordiam, que in Instrumento desuper confecto, cujus tenorem presentibus inseri, & inferius adscribi, & annotari fecimus, latius continetur, insimul devenerunt; Nobisque humiliter supplicari fecerunt, ut concordiam hujusmodi approbare, & confirmare auctoritatibusque nostræ robore communiter de benignitate Apostolica dignaremur.

Confirmat Clemens.

§.2. Nos, qui honestis fidelium votis libenter annuimus, eaque favoribus prosequimur opportunis, hujusmodi supplicationibus inclinati, concordiam hujusmodi, & desuper confectum Instrumentum inferius insertum, & prout illa concernunt omnia, & singula, que in dicto Instrumento inferius adscripto continentur, & inde sequuta quæcumque, Apostolica auctoritate tenore presentium approbamus, & confirmamus, illisque perpetue, & inviolabilis firmitatis robur adjicimus, suppletes omnes, & singulos tam juris, quam facti defectus, si qui forsitan intervenerint in eisdem, & per omnes inviolabiliter observari debere, & ad

illarum omnium observationem omnibus viis, ac juris, & facti remediis cogi, & compelli posse, & debere.

Clausulaque opportuna pro perpetua observantia apponit.

§.3. Sicque per quoscumque Judices, & Commissarios quavis auctoritate fungentes, etiam Causarum Palatii Apostolici Auditores, & S. R. E. Cardinales, sublata eis, & eorum cuilibet quavis aliter judicandi, & interpretandi facultate, & auctoritate, ubique judicari, & diffiniri debere, ac quidquid secus super his a quoquam quavis auctoritate scienter, vel ignoranter contigerit attentari, irritum, & inane decernimus.

Apostolice Nuncio ejusdem Concordie executionem committit.

§.4. Et nihilominus dilecto filio nostro, & Apostolice Sedis apud dictum Philippum Regem, nunc, & pro tempore existenti Nuncio committimus, & mandamus, quatenus per se, vel alium seu alios presentes literas, & in eis contenta quæcumque, ubi, & quando opus fuerit, & quoties pro parte dicti Philippi Regis, & Gasparis Cardinalis, ac pro tempore Toletan. Archiepiscopi, eorumque Successorum fuerint requisiti ad executionem eorum omnium, que in dicta concordia continentur, procedat, & per eos, ad quos spectat, eadem observari curet, & faciat.

Deregat contrariis.

§.5. Non obstantibus Constitutionibus, & Ordinationibus Apostolicis, nec non quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, Indultis, & Literis Apostolicis sub quibuscumque tenoribus, & formis, & cum quibusvis etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis in genere, vel in specie, etiam motu proprio, & de Apostolice potestatis plenitudine, & alias quomodolibet etiam iteratis vicibus concessis, approbatis, & innovatis. Quibus omnibus, & singulis etiam si de illis, ac totis eorum tenoribus specialis, specificæ, & expressæ mentio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum infererentur, presentibus pro expressis habentes, illis alias in suo robore permansuris, hac vice dumtaxat specialiter, & expresse derogamus, cæterisque contrariis quibuscumque.

Tenet Concordiam.

§.6. Tenor vero Instrumenti hujusmodi concordie sequitur, & est talis: In nomine Sanctissime Trinitatis Patris, Filii, & Spiritus Sancti unius solius Dei, & veri Domini, & Gloriosæ Virginis S. Mariæ Domine Nostræ manifestum, & notorium sit omnibus hoc præfens publicum Instrumentum conventionis, assensus, transactionis, & concordie visuris, quod in Oppido de Madrid existente in eo Curia, & Consilio sue Majestatis die 7. Martii anno millesimo quingentesimo nonagesimo quarto. In presentia mei Notarii, & scribæ publici, ac Testium infrascriptorum præfente Doctore Amezqueta de Consiliis Regis, & Cameræ nomine sue Majestatis Catholice, & pro eo, quod suum Jus tangit, & Dominorum Re-

1594.

Monasterium a Card. Siliseo fundatum & dotatum.

Leges nonnulla ab eodem in suo Testamento sancite.

Inter quas constituit Archiepiscopos Toletanos eisdem Monasterii Patronos.

Alio vero testamento Patronos constituit Reges Catholicos, & Archiepiscopos Toletanos.

Regum, qui post longos dies sue Majestati succedent in Regnis Coronæ Castellæ in perpetuum, & Dominus Cardinalis Don Gaspar de Quiroga Archiepiscopus Sanctæ Ecclesie Toleti Primas Hispaniarum, Cancellarius major Castellæ, de Consilio Status sue Majestatis, & Præfens Consilii Italiae, Inquisitor Generalis contra hereticam pravitatem, & Apostasiam pro se ipso, & nomine sue Dignitatis Archiepiscopalis, & Archiepiscoporum prædictæ Sanctæ Ecclesie Toleti ejus Successorum in perpetuum ex altera parte, & dixerunt, quod Cardinalis Don Joannes Martinez Siliseo, qui fuit Archiepiscopus Toleti instituit, fundavit, & dotavit in prædicta Civitate Toleti unum Collegium Virginum nuncupatum Domina Nostra Remediorum, in quo iuxta formam Constitutionum, cum quibus illud fundavit, & Testamentum, sub quo decessit, voluit, quod adesset una Ecclesia pro Sepultura, & centum Puella, & unus Administrator, & una Gubernatrix, & unus Capellanus major, & quatuor Capellani, & alii Ministri pro servitio cultus divini prædictæ Ecclesie, & Collegii: & quomodocumque sit, per dictas Constitutiones, & fundationem dicti Collegii, & præfatum testamentum dictus Cardinalis ordinavit, quod dumtaxat Archiepiscopus Toleti, qui post eum foret, & illius Successores in perpetuum remanerent Patroni dicti Collegii, prout in dictis scripturis latius constat. Quod Testamentum factum, & concessum fuit coram Joanne Sanchez de Canales scriba publico Toleti die 8. mensis Martii anno 1557 post quod sub die nona mensis Maii prædicti anni quinquagesimi septimi, dictus Cardinalis Siliseo coram præfato Joanne Sanchez scriba revocavit dictum Testamentum in omnibus, & per omnia, prout in eo continebatur, & dicta die nona Maii præfatus Cardinalis concessit Constitutiones, sub quibus fundavit dictum Collegium coram Didaco Barrasa ejus Secretario, & Notario Apostolico. Post quæ sub die 10. prædicti mensis Maii prædicti anni quingentesimi quinquagesimi septimi dictus Cardinalis per actum, & scripturam publicam, quam confecit coram dicto Joanne Sanchez scriba, utendo potestate, & facultate, quas vigore Constitutionum dicti Collegii habebat, & fecerat, & sibi reservaverat, & via, ac forma quibus de Jure melius locus esset, fecit novam nominationem Patronorum dicti Collegii, in qua nominavit in tales Patronos suam Majestatem Regis Domini Nostri, & Dominos Reges ejus Successores in perpetuum, & Archiepiscopum Toleti, qui post dictum Cardinalem foret, & illius Successores in perpetuum, & illis dedit omnem potestatem, & facultatem, quam tanquam tales Patroni possunt, & debent tenere. Post quæ dicta die decima Maii præfatus Cardinalis per aliam scripturam publicam, quam fecit coram præfato Joanne Sanchez revocavit scripturam revocationis, quam fecerat dicti sui Testamenti, & declaravit, & mandavit, quod præfatum suum Testa-

mentum observaretur, adimpleretur, & exequeretur, prout in eo continebatur, declarando, prout declaravit inter alia, quod Patroni præfati Collegii essent Rex Dominus Noster, & illius Successores, & Archiepiscopus Toleti, & sui in dicta dignitate Archiepiscopali Successores, prout per scripturam superius relatam ordinaverat, & quod dicti Patroni possent nominare, & nominarent, præsentare, & præsentarent Virgines, quæ ingredi deberent dictum Collegium, cum quo approbavit dictum suum Testamentum, & ad majorem cautelam illud concessit de novo, prout de omnibus ex dictis scripturis, ad quas se refert, latius constat, & apparet, quæ omnes sunt signatæ a dicto Joanne Sanchez de Canales. Post quæ existente sua Majestate ejusdem Curia, & consilio in Civitate Toleti de anno 1560. & impendita, atque arrestata persona Fratris D. Bartholomei de Carranca defuncti, qui fuit Archiepiscopus Toleti Doctor Christophorus Perez Administrator, qui fuit dicti Collegii, petiit, & supplicavit sue Majestati, ut dignaretur acceptare dictum Patronatum, prout, & quemadmodum dictus Cardinalis Siliseo ei dimiserat illud, supplicando, & in effectu postquam tractatum, & practicum fuit de mandato sue Majestatis cum nonnullis de consilio suo, & prædicto Doctore Christophoro Perez circa Ordinem, qui quoad nominationem Virginum, & reliquorum concernentium dictum Patronatum, debebat tenere, & poterat servari inter suam Majestatem, & Archiepiscopos Toletanos pro tempore extituros, & capto, ac deliberato ordine, & forma, qui visus est conveniens, & habito consilio cum sua Majestate, & facta omnium particulari relatione habita consideratione, quod opus, & institutio dicti Collegii erat adeo sancta, & pia, & tam in servitium Domini Nostri, ac utilitatem, & beneplacitum prædictæ Civitatis, & Archiepiscopatus, ac Regni Toleti, & quod illud fecit dictus Cardinalis, qui fuit Magister sue Majestatis, ei placuit acceptare dictum Patronatum pro se, & pro Dominis Regibus Castellæ suis Successoribus capiendo sua Majestas, & ipsi tanquam tale Patroni in eorum protectionem, manum, & auxilium præfatum Collegium, Personas, bona, privilegia, & exemptiones, ac omnia illud tangentia, & concernentia, & illis præstare favorem, & auxilium, atque juvare, & favere sustentationem, conservationem, & effectum dictæ institutionis, ita quod de dictis centum Puellis ejus Majestas nominare deberet sexaginta, & prædicti Archiepiscopi quadraginta, & quod utcumque sit, quod in dictis Constitutionibus, quas dictus Cardinalis fecit circa tangentia dictum Collegium, declaratum reliquit, quod Administrator, & Gubernatrix nominarentur per Archiepiscopos in dicta Sancta Ecclesia pro tempore existentes, quod attento, quod id disposuerat, antequam nominaret suam Majestatem in Patronum una cum dictis Archiepiscopis, & antequam dictis

Cum facultatibus hic expressis.

Philippus II. talem Patronatum admittit.

Nonnulla etiam remanent relicta libere dispositioni Archiepiscoporum.

Archiepiscopus dedisset una cum sua Majestate nominationem Virginum, & quod cum postea fuerit circa hac facta mutatio, erat differens casus, & ratio, concordatum, & conventum fuit, quod dictus Administrator post obitum prefati Christophori Perez nominaretur per suam Majestatem, & Dominos Reges illius Successores, & praedicta Gubernatrix per Dominos Archiepiscopos, ordinavitque, & praecepit sua Majestas, quod obtineatur, & asseratur confirmatio, & approbatio praemissorum a Sua Sanctitate, prout continetur in acceptatione, quam sua Majestas fecit in dicta Civitate Toleti die 30. Novembris praeteriti anni quingentesimi sexagesimi. Et cum obierit dictus Doctor Christophorus Perez, in executionem dictae acceptationis providit sua Majestas in ejus locum ad dictum officium Administratoris dicti Collegii licentiatum Quintanilla, & per illius decessum Canonicum Franciscum de Hojo, & per obitum dicti Hojo, Doctorem Ferdinandum de Barriovero, & cum obierit dictus D. Barriovero, & sit Archiepiscopus dictae Sanctae Ecclesiae praedictus D. Cardinalis D. Gaspar de Quiroga, & nominaverit sua Majestas licentiatum Rudes de Andrada fratrem Ordinis de Calatrava, & illius Capellanum, & visis per dictum D. Cardinalem dicto Testamento, Constitutionibus, & Declarationibus dicti Cardinalis Siliseo, & informatus de his, se opposuit dictae nominationi dicendo, quod ad ipsum spectabat, & suum erat, & illi incumbebat, & quod praefatus Doctor Christophorus Perez non potuerat ei praedicare, neque suis Successoribus in provisione dicti Officii Administratoris, nec in praesentatione dictarum Puellarum, & quod non habuit potestatem, neque auctoritatem ad supradicta, nec facta, neque concessa sunt Concordia de his, neque intervenit confirmatio, & approbatio Suae Sanctitatis, nec reperiebatur, & quod hoc non obstante processum fuit ad ulteriora in nominatione, quam fecit sua Majestas de dicto licentiatum Rudes ad dictum officium Administratoris, qui illud exercuit pluribus annis, donec sua Majestas illi fecit gratiam anno praeterito millesimo quingentesimo nonagesimo tertio de Prioratu Giennen., qui est de suo Ordine, & illum providit in Administratorem Conventus illius, & quia praefatus Cardinalis D. Gaspar de Quiroga dedit Memoriale quoddam dicens, quod cum ex dicto Testamento, & Constitutionibus factis a dicto Cardinali Siliseo pro dicto Collegio ad ipsum spectat, & pertinet provisio dicti Administratoris, sua Majestas dignaretur ordinare circa nominationem, & provisionem hujus officii, & praesentationem Virginum, & super reliquis tangentibus dictum Collegium, id quod magis conveniret exonerationi suae Regiae conscientiae, ac servitio, & utilitati dicti Collegii, quibus visis per suam Majestatem, & de ejus mandato per Dominos Praesidentem, & ejus Consiliarios Camerae, & desuper habito consilio, resolutum fuit iussu de causis, & quod de-

Nonnullae ex-
orte sunt su-
per praedictis
conventionibus.

beat remanere, & remaneat ex nunc praefato Cardinali D. Gaspari de Quiroga Archiepiscopo Toletan., & suis Successoribus in dicto Archiepiscopatu in perpetuum provisio dicti officii Administratoris dicti Collegii, & illud Gubernatrix, & quadraginta ex dictis centum Virginibus, & Capellani majoris, quatuor Cappellanorum, & aliorum Ministrorum dicti Collegii, ita quod cum sua Majestas fuerit nominata in Patronum illius per ipsius Fundatorem, & remanere ejus cura, ac Dominorum Regum Castellae Patronatum, protectionem, & maintenancem dicti Collegii personarum, bonorum, privilegiorum, exemptionem illius, & quod eis dabit auxilium, & favorem, & sustentatio, conservatio, & effectus dicti Collegii quoties vacabit dictum officium Administratoris ejusdem quovis modo dictus Dominus Cardinalis D. Gaspar de Quiroga, & Archiepiscopi post eum futuri Toletan. nominare debeant, & nominent ab hodie sua Majestati, & Dominis Regibus suis Successoribus ad dictum officium duas personas apponendo aetatem, & qualitates cujuslibet eorum, ut si habuerint, quas convenerit, sua Majestas. & Domini Reges ejus Successores praesentent, & dent suam titulum ei, cui ipsis visum fuerit magis convenire: quam dictus Dominus Cardinalis D. Gaspar de Quiroga, & Archiepiscopi post eum futuri Toletan. debent admittere, & facere informationem, & ceteras diligencias necessarias, ut utatur, & exerceat dictum officium, & quod ex dictis centum Virginibus sexaginta remanere debeant, & remaneant ad praesentationem, & provisionem suae Majestatis, & Dominorum Regum ejus Successorum in Regno Castellae, prout dicto anno quingentesimo sexagesimo conventum, & concordatum fuerat, & quod in reliquis omnibus observetur, & adimpleatur, quod continetur in praefatis Constitutionibus, & fundatione dicti Collegii in perpetuum, & quod pro observatione, & perpetuitate omnium praemissorum, conficiatur, & stipuletur de consensu suae Majestatis, & praedicti Archiepiscopi instrumentum in forma, cujus, si necessarium erit, obtineatur confirmatio a Sua Sanctitate, & visa per dictum Dominum Cardinalem Archiepiscopum Toletan. voluntate suae Majestatis habuit, & habet pro justo, & convenienti modum supradictum, quem suae Majestati placuit dare, & dedit in dicto negotio, & tanquam talis accessit, & venit, ac consentit illi, & existentes concordet in his supradictis praefatus Doctor Amezqueta nomine suae Majestatis, & pro Dominis Regibus suis Successoribus in Regnis Castellae in perpetuum pro eo, quod suam partem tangit, & dictus Dominus Cardinalis Don Gaspar de Quiroga Archiepiscopo Toletan. pro se, & pro Dominis Archiepiscopis suis Successoribus in dicto Archiepiscopatu in perpetuum ambo tanquam Patroni dicti Collegii praestando, prout praestiterunt, vocem, & cautionem de rato, & grato in tali casu

Facta itaque
fuit Concordia
hic expressa.

De Nomina-
tione Admini-
stratoris.

De Praesenta-
tione Virgi-
num.

Concordia a
Cardinali To-
letano admini-
strata fuit.

casu pro Successoribus necessarium confessi sunt se esse concordet, & convenisse, atque concordarunt, & convenerunt via transactionis, & concordiae, & ea via, & forma, quibus melius sit de jure, & magis possit, & debeat valere, quod fiat, & adimpleatur cum effectu quoad provisionem praedicti officii Administratoris, & praesentationem Virginum, & reliqua dictum Collegium tangentia, quod superius relatam est, & declaratum, & quae postea dicentur, & pro majori claritate, & quod intelligatur quando vacabit aliquis ex dictis centum locis tam ex sexaginta, quas nominare, & praesentare debet sua Majestas, & D. Reges illius Successores, quam ex quadraginta, quas nominare, & praesentare debet D. Cardinalis, & Archiepiscopi ejus Successores declaratur, quod sua Majestas, & D. Reges illius Successores debeant nominare, & nominent tres Virgines ex primis, quae vacabunt ex nunc imposterum, & dictus D. Card. Don Gaspar de Quiroga Archiepiscopo Toletanus, & Archiepiscopi illius Successores duas Virgines ex his, quae vacabunt, postquam sua Majestas providerit distas tres, & sic isto ordine quousque sit adimpletus numerus sexaginta locorum Virginum, quas sua Majestas nominare debet, & ille numerus quadraginta, quas nominare debet praefatus Dominus Archiepiscopus, ita quod praebendae, & loca quae ad suam Majestatem, & ad Dominos Reges ejus Successores, & ad dictum Dominum Archiepiscopum, & ad suos pertinent, respective sint in se distinctae, & cognita, & eveniente vacatione, sciatur, & intelligatur, ad quem spectat: & quia ex dictis centum Virginibus adsunt ad praesens in dicto Collegio aliqua praesentata per suam Majestatem (ultra sex loca, quae Cardinalis Fundator voluit in eo esse pro consanguineis suis) dumtaxat duae Virgines, quae sunt Adriana Fernandez Pantosa, & Anna Seden, & per Gubernatores hujus Archiepiscopatus adsunt quatuor praesentatae, quae sunt Catherina de Salazar, Francisca de Spinosa, Donna Catherina Lasso de Aaro, & Donna Maria Pantosa, & ut observetur quoad nominationem dictarum centum Virginum ordo jam dictus, quod sua Majestas nominet tres, & Archiepiscopus duas, declaratur, quod ad servandam aequalitatem modo jam dicto ad numerum ad quatuor, quae sunt praesentatae in dicto Collegio per praefatos Gubernatores, debet providere sua Majestas modo primas septem Virgines, quae cum duabus, quas praesentavit erunt novem, & postea Dominus Cardinalis, & ejus Successores debent providere duas Virgines, quae cum quatuor existentibus in dicto Collegio praesentatis per dictos Gubernatores erunt sex, & postquam providerit dictus Dominus Archiepiscopus itas duas Virgines, debent providere sua Majestas, & illius Successores alias tres Virgines, & successive dictus Dominus Archiepiscopus, & sui in dicta Dignitate alias duas, & sic isto ordine trium, & duarum quousque sit adimpletus numerus dictorum

Forma nomi-
nandi Virgi-
nes.

centum locorum, ut dictum est. Et quia ex dictis sex Virginibus, quas Cardinalis Fundator voluit esse in dicto Collegio ejus consanguineas, & quod comprehendentur in dicto numero centum, ad sunt modo quinque provisae, quarum quatuor sunt Donna Leonora de Soto, Constantia Guiseno, Donna Anna de Mena, & Maria de Paez praesentatae per suam Majestatem, & Donna Maria de Aguilar praesentata per Fundatorem, atque ad praesens vacat unus locus, quia nupsit Donna Anna Trevino Silizeo declaratur, quod provisio, & praesentatio istarum sex Virginum debet fieri hoc modo, quod sua Majestas, & Domini Reges ejus Successores in perpetuum praesentent quatuor loca earumdem, quae sunt illa, quae hodie tenent praedictae Donna Leonora de Soto, Constantia Guiseno, Donna Anna de Mena, & Maria de Paez, quae remanere debent, & remanent dedicatae, & assignatae suae Majestati, ut quando vacaverint per dictas personas, quae ad praesens illa tenent, aut pro eis, quae in antea succedent in illis, de ipsis provideantur consanguineae dicti Fundatoris, & duo loca restantia, quae sunt illa, quae ad praesens tenet dicta Donna Maria de Aguilar, & ille, qui vacat pro dicta Donna Andrea Trevino, de illis provideat semper praefatus Dominus Cardinalis, & Archiepiscopi illius Successores duabus consanguineis praedicti Cardinalis Fundatoris, locus praedictae Donna Mariae de Aguilar quando vacabit, & praefatae Donnae Andreae Trevino ex nunc quoties, & quando cum sit prout dictum est vacans ad praesens: & quoad qualitates, quas omnes praedictae Virgines habere debent, ut recipiantur in praefato Collegio, debent observari ea omnia, quae circa praemissa dictus Cardinalis Siliseo Fundator ordinavit, & praecepit, quae omnia ita fiant, & adimpleantur quoad omnes Virgines, quae ab hodierna die date, & stipulationis hujus scripturae imposterum praesentari debebunt, & praesentabuntur in dicto Collegio per quamcumque dictarum partium, donec adimpleatur numerus dictarum centum Virginum, & quod in ceteris omnibus tangentibus dictum Collegium ordo, & regimen illius observentur, & adimpleantur contenta in Testamento dicti Cardinalis, & in Constitutionibus, & aliis scripturis desuper confectis, & celebratis, non obstantibus his, quae sic tractata, & conventa fuerunt cum dicto Domino Doctore Christophoro Perez, & acceptatione, quae illius vigore facta fuit per suam Majestatem, & quacumque possessione, usu, & consuetudine, quae circa praemissa, seu ali-quod ipsorum, vel partem eorum in contrarium fuerit, quae omnia quatenus non sint conformia huic ultimae conventioni, transactioni, & concordiae, sint in se nulla, nulliusque valoris, & effectus, & quatenus necessarium sit per praesentes praefatos Doctorem Amezqueta nomine suae Majestatis, & dictus Dominus Cardinalis petunt, & supplicant Suae Sanctitati ut dignetur confirmare, & approbare hujusmodi scripturam conventio-

tionis, concordie, & transactionis ut observetur, & adimpleatur, & debitum fortiatu quicquid in ea continetur in perpetuum, & quod de ea ponatur una copia autentica originaliter in Archivio scripturarum Regiarum de Simancas, & alia detur prefato Domino Cardinali Archiepiscopo Toletano ad illam ponendum in Archivio scripturarum predicti Collegii, & ut ita adimpleatur, & observetur, prefatus Doctor Amezqueta nomine sue Majestatis, & dictus Dominus Cardinalis modo supradictis pro se, & Successoribus in eius Dignitate premissa approbaverunt, eisque consenserunt, & promiserunt se non ituros, neque venturos contra ea, nec contra aliquod, seu partem illorum ullo unquam tempore, nec aliquo modo causa, seu ratione sub prefata cautione pro Successoribus tam in Corona Regia horum Regnorum Castellae, quam in prefata Dignitate Archiepiscopali, & quod Rex Dominus Noster ad majorem cauthelem faciet, approbabit, & confirmabit hanc conventionem, & concordiam per eius Regiam cedulam, & quod quoad tangentia suam Majestatem acquiescet, & stabit contentis in ea, & dictus Dominus Cardinalis, ac prefatus Doctor Amezqueta se subscripserunt suis nominibus presentibus Francisco de Aponte, Francisco de Orancz, & Don Joanne Suarez residentibus in hac Curia, G. Cardinalis Archiepiscopus Toletan. Don Amezqueta coram me Francisco Gonzalez de Heredia scriba Regis Domini Nostri, & eius Notarius in sua Curia, Regnis, & Dominis inter sui omnibus supradictis cum dictis testibus, & contrahentibus, quos fidem facio me cognoscere, & quod dictus Doctor Amezqueta concessit de mandato sue Majestatis, & illius Regio nomine hanc scripturam. Et in fide me subscripsi meo nomine, & signavi meo signo tali in testimonium veritatis.

Locus & signi, & subscriptionis.
Franciscus Gonzalez de Heredia.
Rex.

Quia Doctor Amezqueta a consiliis meis Regio, & Camerali meo nomine, & de mandato meo tanquam Patronus, qui sum Collegii Beate Marie Remediorum Virginum, quod Cardinalis Don Joannes Martinez Siliseo Archiepiscopus, qui fuit Toletan. instituit, & fundavit in ea Civitate, & Regum Successorum meorum ex una parte, & admodum Reverendus in Christo Pater Cardinalis Don Gaspar de Quiroga Archiepiscopus Sanctae Ecclesiae Toleti pro se ipso, & nomine sue Dignitatis Archiepiscopalis, & Archiepiscoporum futurorum illius tanquam Patroni, qui similiter mecum sunt dicti Collegii ex altera parte concesserunt scripturam conventionis, transactionis, & concordie existen. in duobus foliis istud precedentibus factum coram Francisco Gonzalez de Heredia meo Secretario, & Notario Regio sub die septima mensis presentis Martii hujus anni millesimi quingentesimi nonagesimi quarti super pro-

visione officii Administratoris predicti Collegii, Gubernatricis centum Virginum, Cappellani majoris, quatuor Cappellanorum & aliorum Ministrorum ejusdem, prout in dicta scriptura latius continetur, & dicitur in ea, quod ad majorem cauthelem illam debeo ego laudare, approbare, & confirmare, & illa visa per Praesidentem, & Consiliarios meos Camera, & habito mecum consilio, quod dictum opus erat, & pium, & sanctum, & adeo in servitium Dei Domini Nostri, ac utilitatem, & beneficium predictae Civitatis, & Archiepiscopatus, & quod illud instituit prefatus Cardinalis Siliseo, qui fuit Praeceptor meus, quem sum peculiari amore prosequutus, & ad favendum, & manutendum opus tam pium, illudque adjuvandum, acceptavi, & per presentes accepto de novo dictum Patronatum, prout, & eo modo, quo in hujusmodi scriptura continetur, pro me, & pro Regibus Castellae meis Successoribus pro tempore futuris, & ego tanquam talis Patronus accipio sub professione mea, & tuitione prefatum Collegium, personas, bona, privilegia, exemptiones, & omnia illud tangentia, & concernentia ad eis dandum, & mei Successores omnem favorem, & auxilium, & favendum sustentationem, conservationem, & effectum predictae Institutionis, & satisfaciendo dictae scripturae concordiae per hanc meam cedulam illam laudo, approbo, ratifico, confirmo, & habeo pro bona in omnibus, & per omnia sicut, ac prout in ea continetur, & promitto, atque polliceor meo verbo Regio quod ego, & Reges mei Successores pro eo, quod Nos tangit acquiescemus, & stabimus contentis in ea, & quod non ibimus, neque veniemus contra ea, seu eorum partem ullo unquam tempore, neque ullo modo, & praecipio quod ex nunc servetur, adimpleatur, & exequatur dicta scriptura inviolabiliter prout, & quemadmodum in ea continetur, quod illud sic pro bono habeo, & est mea voluntas.

Actum in Oppido de Madrid die undecima Martii 1594.

To el Rey.
De mandato Regis Domini nostri Franciscus Gonzales de Heredia.

Datum Romae apud Sanctum Marcum sub Annulo Piscatoris die 2. Augusti 1594., Pontificatus nostri Anno III.

XC.

Confirmatio erectionis Archiconfraternitatis B. Mariae de Suffragio cui inter alia conceditur Indultum anno quolibet unum reum condemnatum liberandi, in festo omnium Sanctorum, vel in die Parasceve.

CLEMENS EPISCOPUS
SERVUS SERVORUM DEI
Ad perpetuam rei memoriam.

EX debito nostri ministerii pastoralis. ad ea nostrae operationis studia diligenter con-

convertimus, per quae fidelium vota praesertim animarum Christianissimum salutem concernentia, optatum consequantur effectum, & ea, quae propterea per fideles ipsos pie facta, & ordinata fuisse dicuntur, firma perpetuo, & illibata persistant, cum a Nobis petitur, libenter Apostolico munimine roboramus, ac alias concedimus, prout in Domino conspiciamus salubriter expedire.

In Urbe etc. fuit Confraternitas suffragii pro animabus in Purgatorio existentibus.

§.1. Sane dilectus filius noster Franciscus Sanctae Mariae in Via lata Diaconus Cardinalis Sfortia nuncupatus tam suo, quam dilectorum filiorum Confratrum Confraternitatis sub Invocatione Animarum Purgatorii, alias suffragii, in Parochiali Ecclesia Sancti Blasii in Via Julia de Urbe canonice instituta nominibus, nuper Nobis exposuit, quod cum nonnulli ex dilectis filiis Parochianis dictae Ecclesiae, singulari quadam pietatis affectu erga Christianissimum animas, quae in Purgatorio futuram beatitudinem expectant, commoti, & de sui ipsius salute altiori mente recogitantes, unam utriusque sexus Christianissimum Confraternitatem Animarum Purgatorii, alias Suffragii nuncupatam, cujus praecipuum institutum hoc esset, pias ad Deum preces pro dictis animabus in Purgatorio existentibus, & in eorum refrigerium effundere, & alias ad Dei Omnipotentis laudem erigendam, atque instituendam statuerint.

Vicarius Paps. licentiam ad hoc concessit.

§.2. Subindeque dilectus filius noster in dicta Urbe, & ejus districtu Vicarius Generalis, illam ordinaria ejus auctoritate perpetuo creverit, sub certis modo, & forma tunc latius expressis, prout in patentibus literis dicti Vicarii desuper confectis plenius continetur.

Clemens institutiones dictae Confraternitatis ejus quae natura approbat.

§.3. Et sicut eadem petitio subungebat, si dicta Confraternitas sub tam pio, & laudabili instituto de novo per nos institueretur, ac aliqua speciali gratia, & titulo, ac denominatione Archiconfraternitatis decoraretur, illa exinde amplius stabiliretur, optataque in Domino susciperet incrementa; pro parte Francisci Cardinalis, & Confratrum predictorum Nobis fuit humiliter supplicatum, quatenus ipsos Confratres asserentes se dictum Franciscum Cardinalem in suum, & Confraternitatis hujusmodi Protectorem elegerit, in suo laudabili proposito confovere, eosque, ac Confraternitatem ipsam specialibus favoribus, ac gratis prosequi benignitate Apostolica dignaremur. Nos qui pium dictorum Confratrum propositum promovere sinceris desideramus affectibus, eisdem Confratres, ac eorum, quolibet a quibusvis excommunicationis, suspensionis, & interdicti, aliisque Ecclesiasticis sententis, censuris, & poenis, a jure, vel ab homine, quavis occasione vel causa latis, si quibus quomodolibet innodati existunt, ad effectum presentium dumtaxat consequendum, harum serie absolventes, & absolutos fore censentes, hujusmodi supplicationibus inclinatis, erectionem, & institutionem dictae Confraternitatis, nec non quaecumque statuta, & ordinationes ad felix

regimen, & prosperam directionem dictae Confraternitatis jam haecenus condita, quatenus sint licita, & honesta, ac Sacris Canonibus, & Constitutionibus Apostolicis, ac Concilii Tridentini decretis non contraria, & ab eodem Vicario examinata, & admissa, Apostolica auctoritate tenore presentium perpetuo approbamus, & confirmamus, illisque perpetuae, & inviolabilis firmitatis Apostolicae robur adicimus, nec non omnes, & singulos tam juris, quam facti, & alios quantumvis substantiales defectus, si qui intervenerint in eisdem, supplemus.

Eamque in Archiconfraternitate erigit.

§.4. Et nihilominus dictam Confraternitatem in Archiconfraternitatem aliarum Confraternitatum, ut infra erigendarum, cum omnibus privilegiis, & insignibus, juribus, & jurisdictionibus solitis, eisdem auctoritate, & tenore etiam perpetuo sine alicuius praesudicio erigimus, & instituimus.

Statuta etiam condendi facultatem tribuit.

§.5. Eisdem Confratribus, ut pro felici gubernio, prosperoque successu dictae Archiconfraternitatis, & illius rerum, ac bonorum omnium, omniumque aliorum ad eam, nunc, & pro tempore pertinentium, praeter jam condita quaecumque alia statuta, & ordinationes condere, eademque toties quoties pro rerum, & temporum mutatione, & qualitate expediendi fuerit, etiam in toto, vel in parte mutare, corrigere, & in melius reformare, ac etiam de novo facere, quae sic condita, reformata, ac de novo facta, per dictum Vicarium examinari, & quatenus sint licita, & honesta, ac Sacris Canonibus, & Constitutionibus dicti Concilii decretis non contrariantur, approbari debeant.

Aliaque Confraternitates aggregandi.

§.6. Et insuper dictae Archiconfraternitati quascumque alias Confraternitates sub illius instituto, ubi vis locorum, & gentium, erectas, & erigendas, si, & postquam hoc per earum Procuratorem ad id specialiter constitutum in una ex Congregationibus ipsius Archiconfraternitatis petierint, similiter perpetuo aggregare, eisdemque sic per eos pro tempore aggregatis Confratribus, ac earum Ecclesiis, Capellis, Oratoriis, & Confratribus, & personis omnia, & singula privilegia, indulgentias predictae Archiconfraternitati, ejusque Confratribus, nec non Ecclesiae, seu Capelle hujusmodi concessas (facultate eligendi confessorum, nec non aggregandi, & gratias hujusmodi communicandi excepta) communicare, concedere, & alia omnia in similibus per alias dictae Urbis Archiconfraternitates, earumque Confratres fieri, & observari solita facere, libere, & licite valeant, plenam, liberam, & omnimodam licentiam, facultatem, & auctoritatem harum serie impartimur.

Indulgentias Confratribus, & aliis largitur.

§.7. Postremo, ut Christianissimos predicti, ad dictam Archiconfraternitatem ingrediendam, & piorum operum in illa exercitium amplius incitentur, & exinde ipsa Archiconfraternitas confratrum numero, & frequentia magis decoretur, praedictaque Ec-

Ecclēſia, vel alia, ad quam ipſam Archiconfraternitatem transferri contigerit, in majori habeatur veneratione, & fidelis populi erga illam devotio augetur, quo ipſi uberioribus cœleſtis gratiæ donis cognoverint ſe inde eſſe reſectas; De Omnipotentis Dei miſericordia, ac Beatorum Petri, & Pauli Apoſtolorum eius auctoritate conſili, omnibus, & ſingulis utriuſque ſexus Chriſtifiſidelibus veræ poenitentibus, & confeſſis, ac Sacroſanctæ Communionis reſectis, prædictam Archiconfraternitatem de cætero ingredientibus, die primi illorum ingreſſus, & receptionis huiusmodi, ac tam illis, quam jam ingreſſis Conſratribus dictæ Archiconfraternitatis pro tempore ubilibet decedentibus, in eorum mortis articulo, ſi vere poenitentes, & confeſſi Sanctiſſimæ Euchariſtiæ Sacramentum, (ſi id commode fieri poterit) ſumpſerint, & nomen Jeſu ore, vel ſaltem corde invocaverint; Nec non omnibus, & ſingulis utriuſque ſexus Chriſtifiſidelibus ſimiliter vere poenitentibus, & confeſſis, qui Ecclēſiam, vel Oratorium dictæ Archiconfraternitatis in omnium Sanctorum, ac per totam Octavam, ac Nativitatis Beatæ Mariæ Virginis Feſtivitatis annis ſingulis devote viſitaverint, & pro ſalute Romani Pontificis, paceque, & tranquillitate Sedis Apoſtolicæ, ac omnium Principum Chriſtianorum, ac etiam pro animarum in Purgatorio prædicto exiſtentium liberatione, & alias pias ad Deum preces fuderint, plenariam omnium peccatorum ſuorum indulgentiam, & remiſſionem auctoritate, & tenore præmiſſis elargimur. Insuper, qui vere poenitentes, & confeſſi, ac Sacra Communionis reſecti, durante oratione quadraginta horarum eidem orationi, ſive die, ſive nocte intervenerint, & pſalmum, qui incipit: *Miſerere mei Deus, ſive De profundis*, cum ipſo reſponſorio, *Requiem æternam*, aut qui hoc præſtare nesciverint, Coronam recitaverint, pro animabus in Purgatorio exiſtentibus; Ipſiſque Conſratribus, qui itidem vere poenitentes, & confeſſi qualibet feria ſecunda primæ hebdomadæ cuiuſvis menſis dictum Sanctum Euchariſtiæ Sacramentum devote, & cum contritione pro eisdem Purgatorii animabus, Pſalmos, & Orationes huiusmodi recitando ſuſceperint, ſeptem annos, & totidem quadragenas. Quique in Oratorio Officii Defunctorum interſuerint, & corpora dictorum Conſratrum utriuſque ſexus defunctorum, Pſalmum *De profundis*, vel coronam huiusmodi recitando ad ſepulturam aſſociaverint, eidemque pſalmum *De profundis*, vel coronam huiusmodi Chriſtifiſidelibus, etiam non Conſratribus ab hac luce decedentibus devote etiam recitantibus, vel dictum Sanctiſſimæ Euchariſtiæ Sacramentum, dum ad infirmos deſertur aſſociaverint, & Proceſſionibus dictæ Archiconfraternitatis ex quavis cauſa de licentia ejuſdem Vicarii pro tempore faciendis intervenerint, & qui ſecunda, & ſexta feriis cuiuſlibet hebdomadæ pſalmum *De profundis*, vel coronam huiusmodi pro animabus

prædictis dixerint, quique Miſſas pro animabus eiſdem celebrari fecerint, & quoties infirmos dictæ Archiconfraternitatis viſitaverint. Nec non proceſſionibus dictæ Archiconfraternitatis infra Octavam commemorationis Defunctorum ad Ecclēſiam Sancti Gregorii de Urbe, feria ſexta in Paraſceve ad Baſilicam Principis Apoſtolorum de eadem Urbe faciendis devote interſuerint. Ac tam ipſis Conſratribus, qui confeſſi, & communicati ſeptem Ecclēſias dictæ Urbis viſitaverint, quam aliis Chriſtifiſidelibus illos aſſociantibus, centum dies de eis injunctis, ſeu alias quomodolibet debitis poenitentis, miſericorditer in Domino relaxamus.

§.8. Poſtremo eiſdem Conſratribus, ut pro indulgentiis prædictis facilius conſequentis eidem Conſratres, ac etiam eorum quilibet, Confeſſorem ſibi bene viſum ab Ordinario approbatum, qui audita eorum confeſſione eos a quibuſvis peccatis, criminibus, & exceſſibus, etiam quantumvis enormibus, videlicet in caſibus dictæ Sedi reſervatis, exceptis contentis in literis in die Coenæ Domini legi ſolitis, bis in vita, & in mortis articulo, in aliis vero eidem Sedi non reſervatis caſibus, quoties opportunum fuerit abſolvere, & pro eis ſalutarem poenitentiam injungere poſſit, eligere, licite, & libere valeat, eiſdem auctoritate, & tenore indulgemus, præſentibus perpetuis futuris temporibus valituris.

§.9. Non obſtantibus noſtra de indulgentiis ad inſtar non concedendis, & quibuſvis aliis Conſtitutionibus, & Ordinationibus Apoſtolicis, cæteriſque contrariis quibuſcumque. Volumus autem, quod ſi ingredientibus dictam Archiconfraternitatem, aut aliud ex præmiſſis peragentibus, vel alias aliqua alia indulgentia in perpetuum vel ad certum tempus nondum elapſum duratura per Nos conceſſa fuerit, præſentes literæ nullius ſint roboris vel momenti.

Nulli ergo &c.
Datum Romæ apud Sanctum Marcum, Anno Incarnationis Dominicæ, milleſimo quingenteſimo nonageſimo quinto, quinto Idus Septembris, Pontificatus noſtri Anno tertio.

Sequitur indultum liberandi unum condemnatum.

Dilectis Filiis Conſratribus Conſraternitatis B. M. de Suffragio de Urbe.

CLEMENS PAPA VIII.

Dilecti filii ſalutem, & Apoſtolicam benedictionem.

Plas Chriſtifiſidelium Societates ad charitatis opera exercenda canonicè inſtitutas, ut in eorumdem operum exercitio magis conſoveantur, ſpecialibus favoribus, & gratiis libenter proſequimur, prout in Domino ſalubriter conſpicimus expedire.

§.1. Proinde veſtram Conſraternitatem

Confeſſorem eligendi licentiam tribuit.

Contrariis derogat.

D. P. An. III. 9. Septembris

Cauſæ huius Conſtitutionis.

Indultum liberandi Car-

ſpecialis gratiæ favore benigne proſequi volentes, ac vos, & quemlibet veſtrum a quibuſvis excommunicationis, ſuſpenſionis, & interdicti, aliſque Eccleſiaſticis ſententiis, cenſuris, & poenis, a jure vel ab homine, quavis occasione vel cauſa latis, ſi quibus quomodolibet innodati exiſtitis, ad effectum præſentium dumtaxat conſequentium harum ſerie abſolventes, & abſolutos fore cenſentes, ſupplicationibus veſtro nomine Nobis humiliter porreſtis inclinati vobis, veſtraque Conſraternitati, ut ſingulis annis in Feſto Omnium Sanctorum, vel in ſexta feria majoris hebdomadæ arbitrio veſtro eligendum unum reum, quem petieritis, & a dilecto filio noſtro, & pro tempore exiſtente Alma Urbis Gubernatore obtinueritis, capitali poena, præter quam occasione criminis læſæ Majeſtatis, falſificationis monetæ, aut Literarum Apoſtolicarum, aſſaſinii, aut ſacrilegii damnatum, liberare, & abſolvere, quomodolibet tamen pacem ab offeſſis habuerit, libere, & licite valeatis, auctoritate Apoſtolicâ tenore præſentium facultatem, & auctoritatem concedimus. Mandantes propterea eidem Gubernatori nunc, & pro tempore exiſtenti, ut ſingulis annis in perpetuum vobis unum ex huiusmodi poena capitali damnatis liberum dimittat, & concedat, ipſumque per vos pro tempore liberatum, ab omni poena capitali eo ipſo abſolutum, ac ad patriam, ſamam, gradus, honores, & bona quæcumque, præterquam Fiſco incorporata, plenarie reſtitutum, & reintegratum eſſe, & cenſeri, nec illum ſuper præteritis delictis, & exceſſibus ulterius moleſtari vel perturbari poſſe decernimus, & declaramus.

§.2. Non obſtantibus Conſtitutionibus, & Ordinationibus Apoſtolicis, cæteriſque contrariis quibuſcumque.
Datum Romæ apud Sanctum Petrum, ſub Annulo Piſcatoris, die 10. Martii, milleſimo ſexcentefimo tertio, Pontificatus noſtri Anno XII.

XCI.

Ex Regeſt. in Decr. Brev.
Pompejus Arigonius Commiſſarius delegatur ad conſtituendos terminos inter Dominium Eccleſiaſticum, & Statum Magni Ducis Heturæ.

Dilecto Filio Magiſtro Pompeo Arrigono Cappellano noſtro, & Conſarum Palatii noſtri Apoſtolicæ Auditori.

CLEMENS PAPA VIII.

Dilecti filii ſalutem, & Apoſtolicam benedictionem.

§.1. **C**um in diverſis locis temporalis noſtræ, & S. R. E. ditionis, quæ proxima, & contigua ſunt locis, & terris domini dilecti filii Nobilis Viri Ferdinandi Provinciæ Heturæ ſibi ſubjectæ Magni

Ducis, ac præſertim Clanes noſtri, & ejuſdem S. R. E. Subditi, cum Subditis Status Senarum dicti Ferdinandi Magni Ducis Montis Politiani, & aliis Terris, in Umbria vero noſtra Communitas, & Homines Civitatis noſtræ Caſtelli cum ſubditis ſtatus Florentiæ, Aretinis, ſive aliis: nec non in Provincia noſtra Romandioſa, Communitas, & Homines Civitatis noſtræ Forolivii cum Univerſitate Caſtrocarum tam ſuper aggere, & clauſura de anno 1591. a Forolivienſibus noſtris ſubditis, pro uſu, & commoditate Molendinorum in Flumine Montoni factis, quam ſuper appoſitione, ſeu affixione cuiuſdam novi termini inter Agrum Caſtri Flumani Forolivienſis, & Agrum Caſtrocarum, ac demum Braſichelſenſis noſtri ſimiliter ſubditi, cum Univerſitate Maradi ſuper quadam Domo, ac Terræ petia in ſchola Gattaræ, & loco Gigolæ vocatis, ſita, occasione ſinium, & terminorum ſepe contendant, & nunc ſuper huiusmodi ſiniſibus, & terminis inter dictos noſtros, & S. R. E. Subditos ex una, & præſatos ejuſdem Ferdinandi Magni Ducis Subditos, partibus ex altera, aliqua altercatione, & controverſiâ orta ſint, & in futurum etiam ſuboriri poſſint:

§.2. Nos omnem prædictarum controverſiarum occaſionem e medio tollere, & ſubditorum noſtrorum indemnitati providere volentes, diſtorum ſinium, & terminorum ſituationes, & denominationes etiam veriores, præſentibus pro expreſſis habentes, tua doctrina, fide, prudentia, & in rebus agendis dexterritate, atque experientia freti, tibi per præſentes committimus, & mandamus, ut ad loca prædicta quam primum te conferas, & una cum Deputato, ſive Deputatis ab ipſo Ferdinando Magno Duce, uno, vel pluribus, ſpeciale, & ſufficiens ad hoc mandatum, auctoritatem, & facultatem habentibus, illorum faciem inſpicias; plantam, adhibitis peritis, conſici facias, ac differentias, & cauſas huiusmodi, pro parte dictorum noſtrorum ſubditorum audias, & cognoſcas, eaſque etiam amicabiliter, & prout tibi expedire videbitur, ſine proceſſu, ſola facti veritate inſpecta, Manu Regiâ, decidas, termines, atque componas, & quæ ſuper præmiſſis omnibus, & ſingulis neceſſaria fuerint, & opportuna, facias, agas, & tractes, ac demum terminos ſinium, prædictis, & aliis quibuſcumque locis, ubi opus fuerit, inter noſtram, & ejuſdem S. R. E., ac dicti Ferdinandi Magni Ducis ditiones ponas, atque conſtituas, aliaque ſuper his omnibus, & ſingulis neceſſaria, & opportuna, etiam ſi ſpeciale mandatum, auctoritatem, & facultatem noſtram requirerent, ſimiliter facias, & exequaris, ſuper quibus Nos tibi liberam, plenam, & omnimodam auctoritatem, & facultatem, auctoritate Apoſtolicâ, tenore præſentium, concedimus, & impartimur.

§.3. Non obſtantibus Conſtitutionibus, & Ordinationibus Apoſtolicis, cæteriſque contrariis quibuſcumque.

Committere Auditori Cæmmeræ, ut terminos ponat.

Derogat contrariis.